



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Drei merkwürdige Capellen Westfalens**

**Giefers, Wilhelm Engelbert**

**Paderborn, 1854**

Urkunde.

**urn:nbn:de:hbz:466:1-9308**

## U r k u n d e .

Nos Anna Gröppers, Domina et priorissa Monasterii sive Conventus in Paradiso prope Susatum, honorabili Domino Hermanno Varenhagen Presbytero Coloniensis Diocesis, Parochialis Ecclesiae Divi Pancratii in Cörbecke ejusdem Coloniensis Diocesis Rectori sive Pastori et ad infrascripta Archidiacono salutem in Domino. Ad capellam sanctae Crucis in Drüggelte sub dicta Parochia vestra situatam et ad tempus per obitum quondam honorabilis Domini Joannis Tæytmann, nostri Sacellani, et ejusdem Capellæ novissimi rectoris, sivi possessoris, seu alio quovis modo vacantem (cujus quidem Capellæ præsentatio, sive nominatio ad nos tempore vacationis eiusdem pleno jure dignoscitur spectare et pertinere) Vobis honorabilem Dominum Antonium Drivel, presbyterum dictæ Diocesis, nostrum Sacellanum, tamquam habilem et idoneum in Domino universis præsentandum duximus atque præsentium tenore præsentamus, vos in Domino requirentes et adhortantes quatenus ipsum Dominum Antonium præsentatum in vel ad Capellam vacantem in Drüggelte, cum iuribus, et pertinentiis suis universis admittere, ac in rectorem eiusdem instituere et investire, sibique de eadem providere dignemini, in hoc facturi nobis rem gratissimam. In quorum omnium et singulorum Fidem et Testimonium præmissorum, præsentem literas exinde fieri et per notarium infrascriptum subscribi sigillique nostri conventus subinpressione muniri iussimus et fecimus. Datum Anno Domini Millesimo quingentesimo sexagesimo, die quidem Veneris Sexta Mensis Septembris.

Pro copia originali  
suo verbotenus concordante

Arn. Becker.

per me Wilhelmum Haverkamp,  
Notarium com: iuratum.